

天下郡國利病書卷一百一

崑山顧炎武寧人輯
成都龍萬育燮堂訂

雷州府

雷郡潮汐與廣州畧同其壯盛悉觀月之朔望爲候一月之間再至再虛如前月一十五六潮長至朔而盛初三而大盛後乃漸殺新舊相乘日遲一日每歲八九月潮勢獨大夏至潮大於晝冬至潮大於夜此其大較也雷地視廣尤近海故潮輒先至海康東西之泉俱自澗谷而下至南渡與潮水合平時潮水利於田畝惟颶發則鹹潮逆起稼乃大傷故東洋田俱築隄岸以遏之遂溪之潮利害與海康同徐聞最迫海但其地稍亢暴潮

卷一百一

廣東五

不能深入田園灌溉大半取資溪間罕鹹鹵患其調黎東西潮亦互異調黎東每日兩潮兩汐西一潮一汐調黎潮東減而西滿那黃潮西減而東滿凡春則水小不潮不汐者二三日冬不潮不汐者或五六日無常期大潮大汐者謂之大水漁者集焉不潮不汐者謂之小水漁不取魚其渡瓊者亦視潮汐爲進退潮吼而暴舟楫戒之矣

雷之語三有官語卽中州正音也士大夫卽城市居者能言之有東語亦有客語與漳潮大類三縣九所鄉落通談此有黎語卽瓊崖臨高之音惟徐聞西鄉言之他

鄉莫曉大抵音兼角徵蓋角屬東而徵則西也雷地盡
東南音蓋本諸此耳東語已謬諸黎益侏儻非正韻其
孰齊之

田有夏秋二米起於宋天禧四年頒示天下勸農桑官
今所在州邑農出秋糧桑出夏稅其制遂定明初有農
桑絹令天下農民率栽桑麻木棉其不種者制之罰等
照桑珠起科納絹久之分派於米又立河海所以權漁
利歲有常額其後逃絕過半亦派其課於民田按田每
畝官稅一斗七升起科加耗一合二勺民稅二升起科
加耗七合一勺二抄其賦甚輕大率三十乃稅一也卽

間或加派猶約而易供至宏正間添徵則葦漆葯諸科
其賦始重且派不以時民甚病之嘉靖初御史邵幽奏
行均一總其科價於糧著爲定額不數拾年復有四司
鋪墊諸派則又不啻什一矣

本府官民田塘一萬三千三十一頃有奇官視民居四
十分之一其重者官田起科不等每畝約米二斗九升
八合民田米正耗三升二合一勺民米視官纔十之一
至派銀及鈔役民視官又居三之二曩時官府召役必
問民米役一而費十則民米又不啻重矣當天順前役
簡民易以供成化初大被徭患田畝旣荒人丁亦耗徭

役仍前編造丁糧不足充之始別立四役凡十年再周
卯民滋病正德五年知府趙文奎始革四役復爲十年
一周民稍甦正德十年知府王東良復編作三等九則
上四則銀差多力差少中一則銀差少力差多下則俱
力差其法題詳民始便之久之銀之納索取輒倍而民
役病嘉靖十七年里老陳訴奏議龔暹乃令銀差悉照
該役多寡折納凡遇役作官自支給不復累民卽今循
之其丁之多寡亦視糧爲率無糧者或十人始承一丁
每歲丁銀附里長科納軍餉京庫各倉米及鋪墊軍器
等十七項折徵但從官民米派而民爲重均未均役驛

卷一百

廣東五

三

傳弓兵鹽鈔五項折徵則從丁糧兼派惟供應稅監及
偶加兵餉始於原額外量派事復撤之不以爲例大率
官米一石并加派歲輸銀三錢有奇民米二石并加派
歲輸銀八錢有奇丁每一并加派歲輸銀二錢有奇而
派額四差鹽鈔俱在內此一府總納之總例也派額十
七項前已具列唯四差及鹽鈔詳於左

均平爲正役明初邑每一百一十戶爲一甲擇其一
糧多者統之甲內官吏儒生及老疾爲軍者皆復其
身餘悉輪役凡十年而周見役者追徵勾攝餘則否
成宏聞聽甲長適丁田斂錢於里長以供官府一歲

之用而歸其身於農命曰均平久之有司繁費皆里甲直供嘉靖十四年御史戴璟定爲均平錄雷格而未行叅議龔暹申飭之而雷始便至三十七年御史潘季馴復增損之名永平法分三等曰歲辦曰額辦曰雜辦視其用之急緩以爲次第徵銀在官毋令里甲親之爲役一

均徭爲雜役成宏以前莫攷正德始定銀差力差之例本府銀差一百零七役力差八十四役凡一百九十一役海康縣銀差六十六役半力差二百三十九役凡三百零五役半遂溪銀差六十三役力差二

卷一百

廣東五

四

百八十三役凡二百四十六役徐聞缺載久之銀差輸至數倍力差或不能親供轉雇以應其費亦倍最

後乃照丁糧科派入官與均平例同爲役二民壯亦雜役明初簡民間勇力先之每民壯一名免糧五石人二丁器械鞍馬俱從官給三縣民壯計七百有奇分領以給小甲統以哨官每歲冬操三歇五餘月皆派各衙門差用遇警方遣海上巡視舊皆親役嘉靖中改用銀差輸差入官招募今俱從丁糧派徵與弓兵均役徭例同爲役三

驛傳亦雜役馬驛供馬水驛供舡洪武二十六年定

馬分上中下上每匹該糧一百石中每匹該糧八十石下每匹該糧六十石點附近鄉村供應不足則以次及之戶糧不滿百戶許衆戶湊當鞍轡雜物各照田糧備買缸設水夫十名糧五石以上十石以下湊合輪當不拘戶數後又於里役中歲僉二人典之供億浩繁嘉靖中用御史戴璟議始照糧派銀帶徵按季給驛而存其差以待每十年一編近乃逐年派徵凡所屬州屬縣有無驛及多寡通融協濟其法尤便爲役四

鹽鈔其來已久明初令府州縣男女成丁者歲給鹽

卷百

廣東五

五

三斤徵米八升永樂二年合天下官民大口納鈔一十二貫支鹽十二斤小口半之正統三年戶口鹽鈔俱半徵惟官吏并隨官大口全徵四年幼男女及軍俱免徵成化十年錢鈔兼收鈔一貫折錢二文久之鹽停給鈔錢徵如故嘉靖二十七年鈔一貫折銀四釐每口徵銀二分四釐萬歷四年酌定額銀隨丁口多寡科派

高州府

是郡也山叢土厚溪峒聯中隋初馮盎盤據三世跨州之地形勢使然也東南距海電仁吳川雖有沙帶限門

阻而水深湖平倏忽變生備倭官堡不容少施西南等
於博陸化州石城山箐盤深猺獠伺隙以虔剽我人民胡可
滋蔓且於二廣爲衢衝之交寇攘竊發則東西壤地斷
絕矣盍亦預爲之圖乎 議者欲復高涼舊邑於電白
廢臺以控砦衛郡城招募丁壯於信宜久失閒地以
耕以守庶幾寇虐可除而民安矣

雷州府

雷三面距海東通閩浙北負高涼有平地沃壤之利然
雷出而震地濕而熱蓋五嶺之地南盡於此積土薄而
陽氣洩也雷廉之交颶風最大駟湖則鹽流逆上挾雨

卷三

廣東五

六

則拔屋撼山東洋之地彌望渺漫凶禱之至不繫於人
事矣所恃以保障者其捍海之隄乎故西湖以濬其澤
二渠以醜其派然後斥鹵之地化爲耕桑而雷之民亦
可免於爲魚隄防之節是在司牧者他如永安寧川以
達石城三道皆陸所以備遂溪而守隘之禁當嚴於亦
康永寧海澳之衝也備倭之責尤重明初重臣經畧之
迹猶有存者安陸侯吳傑等選練而簡稽之以固沿海之防北
惟雷郡安而廉瓊亦資其控制之利矣

廉州志

永樂七年夏四月交附萬寧賊寇欽州巡海都指揮李

珪討平之。交趾賊阮瑤舡至欽州加洪科焚劫居民及長壁林墟二巡司廨舍砦柵殆盡珪奉命以樓舡百艘提兵萬人自廣達雷而至邊官軍追及交趾萬寧縣海上破之獲舡二十七艘俘獲賊首范牙阮邊及家屬男女一百二十人送京師誅之。

八年冬十二月倭賊陷廉州府學教授王翰死之。十四年夏五月庚申增置欽州驛遞。交趾總兵官英國公張輔言自廣東欽州天涯驛經貓尾港至涌淪佛淘從萬寧縣抵交趾多由水路陸轉至二百九十一里比邱温故路逕七驛置水馬遞轉以便往來從之。

卷五

廣東五

七

設欽州防城佛淘三水驛寧越浦淪二遞運所佛淘巡檢司靈山縣龍門安遠二馬驛安何格水二遞運所改天涯水驛為水馬驛。

宣德二年冬十二月棄交趾布政司欽州漸凜尚長黃金廣等以四崗叛附安南。自交趾罷是後簡定陳季犛陳月湖相繼倡亂皆英國公討平之。永樂十六年土巡檢黎利叛宣德二年諡永元陳氏後遣使告諭之令其實陳氏子孫以聞即與冊封如洪武舊制而總兵官王通遂率三司府縣官吏還交趾用是復淪於夷矣。欽州特羅貼浪知昔等七崗北連左右兩

江南接交陞宋元置尚長轄尚丁以保守疆境元時黃世華等殺賊有功始授以金牌印信充七尚長官子孫世襲明初廖永忠取廣東郡縣皆投款上印綬仍給新印七尚以蕞爾不復給印其革去長官止依尚長以故諸酋各懷異望至是金廣等以漸凜羅浮古森葛源等四尚十九村二百七十戶叛附安南黎氏封經畧使經畧同知僉事等官仍世守其土以屬萬寧州

正統五年秋九月巡按御史米鑑奉璽書率都布按三司官至欽州揭榜招叛民黃金廣黃寬黃子姣黃建

等不至乃還

卷一百一

廣東五

八

景泰二年夏四月山徭寇廉州雷州二府六月十三日夜黃屋山賊黃公龐陷欽州分龍營林人三年賊掠石康

天順三年秋八月流賊寇靈山縣僉事林錦都指揮歐磐畫策平之時廣西八砦諸渠賊糾合渡江攻陷城池擄掠人畜占耕石隆堡民田勢甚猖獗民盡逃散錦與磐畫策弭之

詔禁欽廉商人不得與安南交通先因獲安南盜珠范負等有勅問安南國王安南奏迤東瀕海村人潛與欽廉賈客交通盜余珠池已行懲治本處頭目

勅出榜禁約欽廉瀕海商販之人不許潛與安南交通仍令廉州府衛巡視遇賊盜珠務捕擒獲究問奏明發落

五年蠻賊流劫廉州府知府饒秉鑑禦之大敗其眾是時廣西賊流劫聚眾一千五百餘徒掠百勞大埔等村先期秉鑑令所屬州縣編立民夫委官督領以待至是率民兵前後斬七百餘級

六年春二月流賊寇石康知縣羅紳使莫子鑒率民兵出戰敗之三月流賊復掠石康東堂鄉羅鑒率兵追之戰於倒木嶺遇害一時賊眾兵少鑒以矢盡為賊所害

卷百

廣東五

九

十二月賊陷永安城廣西龍山賊寇靈山太學生檀昭擊之戰敗遇害

成化元年秋八月乙卯大勝賊分陷寇廉州僉都御史韓雍遣將削平之三年冬十月流賊陷石康知縣羅紳死之十一月賊犯靈山把總滕漢督兵追之奪回石康縣印七年以石康縣并入合浦時知府林錦具奏裁革

十六年僉事林錦征八砦諸賊砦賊自天順以來負固行劫錦奏調官軍征之知府劉烜撫之砦在永平諸山

正德三年寨賊黃師苟稱寇僉事鄧集討平之

自知府劉烜安撫之後八砦餘黨時為平害集以三府檄調兵討之賊皆奔竄命總旗王英千戶陳容以招撫誘之凡擒六十餘人至是稍戢

七年賊首廖公廣寇靈山合浦僉事李志剛誘而擒之公廣以八砦餘黨據永平砦占耕民田不輸賦稅日益作孽志剛聞軍門設計討擒之

八年秋八月安南入寇欽州百戶謝惠帥兵往禦敗於深水灣死之時官軍僅滿百而賊兵多於我惠不量彼已遂敗沒免者四五人而當路匿不以聞

卷百

廣東五

十

十一年冬十月交賊寇西鹽場指揮范鑑擊敗之十四年秋八月交賊入寇舟至方家港欽州千戶趙璉擊敗之

嘉靖十年冬十二月賊劫靈山縣庫監生莫如勤率兵擒之先是八年之間劫庫者四未有得賊要領者至是逾城而入殺巡捕百戶邵經及兵民七人攻開長春門而至如勤率軍快尾至永淳縣獲賊桂德勝等五人鞠出黨類送軍門斬之

十六年夏安南黎大陽命黃爰以郡來犇

時莫登庸內亂

十九年春命兵部尚書毛伯温咸寧侯仇鸞如廣東議

處安南 冬安南莫登庸降納之

十一月初三日登庸素衣係組率小月耆士等各以尺帛束頭赴鎮南關投款遙望無亭恐懼制代脫履跌足北面五拜三叩頭畢隨向軍門再拜時布政楊鉄祀瀆叅政蕭曉張岳翁萬達副使鄭宗白僉事許路總兵張純叅將李榮都指揮石法等論 朝廷恩威暫合之罪還國登庸遣親侄莫文明舊臣許三省等二十八人奉表入 朝愿請正朔去僭號歸欽州四尚侵地伯温納降奏 聞 詔從之

二十一年夏六月收復四尚民歸籍 二十六年安南

卷一百

廣東五

七

夷裔莫正中莫文明莫福山率其家屬百餘人來奔

登庸等奔欽州設訴解赴軍門提督侍郎張 發詔州肇慶清遠安住給米有差

二十七年冬十月安南叛賊范子儀范子流等率眾寇欽州百戶許鎮與戰於龍門港死之命都指揮俞大猷督兵剿之伏誅 子儀子流率舟師擁眾至欽州詐稱宏漢已卒以迎莫正中嗣位爲名圍城劫若殺傷官兵提督侍郎歐陽必廷請改福建指揮俞大猷於廣東都司督詞漢達土兵一萬禦之生擒范子流 斬首千一百名于儀乘風逃去旣而擒安漢斬之函首

於軍門

四十年春三月海寇至大石宅登岸過近郊知府熊琦率官兵禦之賊乘潮走四十四年冬海寇吳平劫掠入廉州畧叅將湯克寬知州傅應嘉率舟師追之 四十五年春二月師次龍門追及於交阯破之

萬歷四年海北兵備道趙可懷上水利議未果行 其畧曰廉州轄州一縣二東一百餘里卽廣西博白地插入合浦之間廣東開建縣雖屬肇慶實樟之接壤臣以開建宜轄於梧而博白兼轄於廉非獨廉之利也博去梧陸行六七日至廉僅二日由梧拆流至博

卷五

廣東五

三

計十餘日廉至博三日此地利之便也合浦至石城息安中門博白之界數十里奸民嘯聚伏路截徑商販心驚官司捕緝不能越境其梗道之害又如此博白人比合浦多強悍往往劫掠一越境毋得詰問况挾私仇以報復折上司以抵節每稱廉人禍已雖郡縣吏亦付之無可奈何臣閱番錄內事多連博勾攝公文十無一繳所生五穀實多於合浦合浦所產魚鹽陶冶管轄博白博吏以過糴爲利藪以魚鹽爲壟斷若屬之廉於民便於政和也

冬十一月倭寇攻永安所城指揮張本守之遂及海川

營新寮開海兵備僉事督兵禦之勢益猖獗殺狼目革
眞官軍不能制十二月副總兵張元勛追倭賊於廉州
香革江大破之 七年靈山縣石塘狼賊黃璋弟羅和
尙捕黨作亂海北兵備僉事熊維學以推官劉子觀率
兵討之爲賊所獲知府周宗武移檄諭之乃還遂合兵
剿擒羅和尙黃璋弟陷死 八年賊黨覃雲明就擒
先是鄉民甯經仇許經知其必來復仇乃率衆斷其
歸路官兵擣其巢穴雲明計窮食絕獲之知府周宗
武撫其餘黨令守石塘請設兵防官得專提調地方
賴是以安今石塘犀塘平寧皆知府周宗武之功也

卷百

廣東五

三

是歲設山防通判一員築城開市協守指揮一員 十
年八月烏兔那思番民盜珠永安所千戶田治督軍捕
之戰死海北分巡兵備薛夢雷剿平之 二十一年夷
人莫登讓爲黎民所逐携其妻僕來奔欽州知州董廷
鈔納之後潛遁他境 三十五年冬十二月二十七日
交趾賊突陷欽州城廉州指揮尙宏謨將兵禦之雷廉
副總兵楊應春兵及欽州而還圍州遊擊張繼科自永
安發兵次萬麻山不進 交趾賊翁高構黨乘小舟百
十衆至數千人經龍門入州城遂陷百戶呂朝炯狂
走吏目挺然被執指揮學正李加論罵賊而死楊應

春兵但及欽州而還

二十六年正月夷賊復侵欽州圍其城同知曾遇指揮
尙宏謨力保孤城有數十人望城指畫者謨引兵射殺
之賊退 二十八年夷賊復寇中軍祝國泰百戶孔榕
禦於龍門大戰死之哨官朱子連戰於南屯之朱蒙寇
死之 是時守龍門哨百戶孔榕巡海中軍把總祝國
泰率舟師截其歸路是夜霧氣黑蔽官兵以銃炮擊
之賊死傷亦多及天明賊見我師舡少外無援兵賊
四面攻打矢石俱盡二將皆死哨官朱子連戰於南
屯亦死之

卷五

廣東五

古

勅總督兩廣都御史戴耀嚴督安南都統使黎維新并
兵討賊三月令遊擊田 弼廣肇中營標兵并守東西
二山兵北廉州府遣副總兵楊應春詣河州踏看屯兵
營地及進兵去處歷四崗地方元崗民勞嚮導得兵九
千人秋力月命總兵官孔憲 鄉行征夷將軍事以海南
兵備副使蔡夢說監寧進兵 剿賊帶管海北兵備通分
守右布政司林梓留守欽州推官李 隨軍紀功 是
月追攻花封巢賊大盤據 石山不克兵及塗山翁富
莫知所之其舡分四路入海無踪乃還

三十七年十月交南寇平

三十八年命復欽州守備

增兵防守

崇禎五年五月流賊數百劫西場 去城四十里而還
迨官兵至而賊遁矣

八年四月海寇平 海寇列香流毒三省猖獗七年至
惠潮府巡道二叅將登舟挾留都御史熊倬示招撫
以緩其勢密檄福建五虎總兵鄭芝龍 會剿賊船
卒遠死戰芝龍奮力一鼓殲之餘黨悉平

九年三月流賊百餘劫那隆 去府城僅三十五里

諸崗 附

貼浪崗 在貼浪都思牙村宋為長官司黃今鑿為崗

卷一百

廣東五

五

主其孫世華在元世祖時以討兩江崗賊計功授以
金牌印信 明初收罷為崗長

時羅崗 在時羅都宋以黃令岳為崗主明初收印罷
為崗長永樂中以事羊祖傳有搦純旺者從伏波將
軍馬援征交趾有功留守欽邑二界居時體崗在管
界巡檢司地命其孫楨貴臣移守時羅為崗長

思勒峒在時昔都思勒村宋初以黃令德為崗主明初
收印罷為崗長宣德中為交趾所侵以其地立金勒
于戶所遂移守那蘇隘

了葛峒 在如昔都了葛村宋以黃令德為崗主明初

收印罷爲尚長宣德中其孫建叛附安南

漸凜尚在貼浪都漸凜村宋以黃令樹爲尚主明初收印罷爲尚長宣德中其孫國廣叛附安南

羅浮尚在如昔都羅浮村宋以黃令宣爲尚主明初收印罷爲尚長宣德中其孫子姣叛附安南

古森同 在貼浪都宋以黃令祚爲尚主明初收印罷爲尚長宣德中其孫 叛附安南 按欽州七尚本舊貼浪時羅如昔三都之地洪武中設如昔巡檢司僉其民爲弓兵宣德中令黃令廣等領尚丁與弓兵協守了葛尚而令廣將遂以漸凜羅浮了葛古森叛

卷百

廣東五

六

因并脅思勒尚及佛淘涇巡司九十九村延袤二百餘里以附黎氏黎氏遂以如昔巡司爲萬寧司了葛洞爲阿葛衛以佛淘巡檢司徒永安村以思勒村爲金勒所於是蓋百二十餘年矣茲登庸納款愿如知州林希元請還我侵叛之地時遣都指揮王相指揮劉滋知府文章經歷姚明相爲畫定疆界而夷情叵測橫生於是不得已爲立石定誓思勒以潭麟溪爲界了葛以芒溪江爲界漸凜以三岐江爲界古森以古森江爲界要是當時委任之非人而諸公輕忽彌縫之失其責亦有所分矣倘得淨峯張公岳夢山翁

公溥最後駁查公移爲錄於左後 或有攷見於斯云
濂瀨海地卑土薄故陽燠之氣常洩 陰濕之氣常盛陽
洩故四時常花三冬不雪一歲之間 暑熱過半窮臍久
晴或至搖首故人氣多上壅膚多汗 出腠理不密陰盛
故晨夕霧昏春夏而淫或連陰雨卽 復淒寒衣服器用
皆生白蟻故人多口濕間發流毒 人面目或手足倏
爾乍腫痒而不痛醫以流氣葯攻之 不效俗謂之走
馬胎時或漸移或以燈火環爆之 或男左女右炙手
尺澤穴卽消然得酒輒復作蓋酒 能行氣故也
陰陽之氣旣偏而相搏故一日之內 氣候屢變晝則多

卷五

廣東五

七

燠夜則多寒廉在宋徙今治而山川 夷曠氣稍舒洩瘴
癘絕少欽州次之靈山又次之土著 之人不聞有患者
中原之人至者獨以道里險遠征途 日久或觸熱感寒
飲食服御不節以時而霍亂疔瘡之 疾一歇卽發 霍
亂吐瀉之痛多商旂氓隸行之人 日夜征行傷於飢
飽腹痛欲絕俗謂之急 急以鹽 擦背腹手足炒鹽
一合次以杯水令飲之大吐而愈 半日後甚飢方與
食少不戒之米飲入口卽死矣

所謂青草肥黃茅肌之毒要亦不善 攝生者固有以取
之諺曰急脫急著勝似服葯是衛生 者所宜知也

投荒雜錄云南方諸郡有颶風颶風者具四方之風也按廉地薄海夏秋間颶風或以歲累發或間歲初起而東轉北而西而南或起而西轉北而東而南皆必對時而後息起之前海鳥羣警投宿林木皆向南作翻轉之狀或海吼聲大震天脚有暈如虹俗呼風蓬卽嶺表錄謂之颶母或逾時卽大作暴雨挾之撼聲如雷拔木飛瓦人不能行立馬牛不敢出牧是中州所無也

叅將

成化壬辰設分守嶺西左叅將管雷廉高肇四府并廣州府新會新寧二縣隸焉駐北肇慶嘉靖癸丑巡撫應

卷一百

廣東五

六

續嫌遠轄不便議以右叅將管廉左叅將管韶廣兵部覆是之

守備

廉州府守備 景泰以來委都指揮一員成化以後革永安守備 洪武辛酉調雷州衛前所官軍領以指揮一員專駐哨守宏治中革

靈山守備 天順初調廣惠二衛官軍六千分上下班防守成化十六年掣回廣州衛宏治十四年掣回惠州衛成化以前間委都指揮令以廉州衛指揮千百戶各一員領旂軍百名防守行糧俱本縣存留倉支

給

欽州守備 宣德中交寇黎利叛始命廣東都指揮程
瑒領軍於欽城南北立四營以守後因之都指揮指
揮間用成化六年以後始專用指揮

營堡

宋海門鎮 太平興國六年建即今廉州 南賓砦

大順元年建 即今欽州 如洪砦 亦名如洪鎮去欽

州三十里 永崇鄉今廢居民云鳳江上有洲洲上營

署故址猶存意即舊立砦處 咄步砦 在欽州時

羅都 如昔砦 亦名如昔鎮在欽州如欽都明改

卷五

廣東五

五

為巡司後 設交趾今復之 今營標營 崇禎五年
巡道劉芝 請建以中軍一員轄之

廉州府 營 教場

海州營 清湖營 隔一江廣西博白縣分界至墀海

三十里至古立一百里至高仰司三十里上城隍四

十里至石康一百里 楊苗營 石康過去十里

城隍營 一路上永平三十里 一路去石塘五十里

一路去古立三十里 古立營 在府東二百三十

里萬安鄉 東至石塘五十里去永平司三十里下高

仰司一百里兵餉知府鄭抱素措給 北砦營 至

武林利墟 司二十里至古立七十里東南下高仰司
三十里古立北砦俱禦博白興業賊路崇禎九年兵
巡張國經建

欽州營

即教場

壤外 在那蘇及新開田近四崗 漸凜營去州二百
四十里防城之外管崗民近交陞十里

防城營 在時羅鄉交陞界正德元年夷目萬汝丹登
界與邦民黃令濟爭田始立營 那邏營 在州西
一百五十里那邏埠管下永樂一都近上思州界

靈山營

卷百

廣東五

三

石塘營 與廣 興業縣分界至永平三十里至清湖
營一百十里 管根營 縣西北一百七十里上下
及地方居宋泰那線那峯之內地今移風木墟居於
二營外 宋泰營 縣西北二百里即宋泰鄉南寧
界陳阜江三十里永淳縣界 那線營 縣西北交
二百里那線村管上寧鄉近南寧界 那峰營 縣
三百五十里管中寧下寧二鄉去西鄉巡司四十里
去南寧七十里 風木營 與橫州八砦接界守此
以防西賊之路崇禎九年知府鄭抱素建 蕩寇營
在武和鄉合浦靈山之界去北砦三十里上靈山三

十里小路至石康一百二十里 陸渥營 在縣西
百二十里下及鄉去格木營十里 洪崖營 縣東
北三十里高山深谷橫州猺賊出沒之衝 沿途小
營

府城東路至雷州息安堡

清水營 蓬傘營 白水營 佛子營 新寮營 楠

木營 開口營 茅山營 山心營 張家營 橫橋

營 新興營 茅坪間 平鴨營 白沙營 窄羅營

海川營 以上諸營以沿路盜賊肆劫往來公差使客

不便萬歷十七年廉州衛指揮蔡任詩議依山立營

卷一百

廣東五

三

每營撥兵九名防守道路賴以安靜

府城西路至欽州

上洋營

石橋營

那幕營

府城西北至靈山

馬長埔

石塘營

丹竹營

烏家營

福子營

木構營

按營號雖多兵數或只至一二隊蓋以哨官加把總
名號便於屯守耳至於營地因時改移今昔不一者
隨寇盜出沒生發之處扼要而設耳是以志古營并
其地里於右以待後之稽攷

右營

北營 在城北濠外嘉靖三十三年知府何御設召鄉兵防守又建石橋以便往來 達達營 在府治東北僉事林錦建安插召來達達歲久圯壞各達交領官修葺 清頭營 去永安城五十里今廢 陸湖營 在府治東北新興里大湖崗今廢 黃逕營 去府治四十里黃逕村大坑港今廢 木港營 在府治北三十里嘉靖十六年知府張岳以旣建丹竹營遂改爲鎮 石隆營 在合浦縣歸德鄉通廣西龍田八砦乃木頭崗猺獞出沒之所最爲地方咽喉

卷五

廣東五

三

成化八年僉事林錦建今廢靈山民快六名兼狼兵守之 羅浮營 在欽州防城外一百十里嘉靖十九年因安南欽回四崗地侵後軍門議於河州社立一大營撥軍兵二百名以指揮或千戶一員統率防守四崗地方至二十八年爲夷寇范子儀所燬叅將俞大猷以河州沐入夷界呈請改建於此 思勒營 在欽州防城外九十里至羅浮營二十里嘉靖十九年軍門議立河州大營以營去州治遠軍兵糧餉往來悉由夷界又於江平地界設思勒衝色二小營互相策應每營各撥軍兵五十名以千百戶一員統領

防守後叅將俞大猷議廢衝色一營 上扶龍營
在欽州貽浪都通下萬大小與廣西上思州接界又
西八十里到西牙坡崗村與交趾思廩接界嘉靖十
年爲上思州夷目趙盤趙溥作亂始立營於此撥總
旂一名領軍五十名守之知州林希元以非要地議
罷分軍二十名守陸眼營餘掣回守城 白皮營
在州東南白皮村與合浦分界正德八年夷賊入寇
軍門命建之守以軍快共二十五名知州林希元爲
有事安南重建今廢 方家營 在欽州西方家村
乃海西停泊之處 正德十三年夷寇於此登岸剽掠

廣東五

卷一百

三

知州李純始建防守後廢知州林希元爲有事安南
重建今廢 烟通嶺 在州南烟通嶺之陽卽沿海
巡檢司舊址水通龍門海口舟可至處知州林希元
爲有事安南始建今廢 坑營 在州東南烏雷
嶺之北原無嘉靖十六年有事安南夷賊杜文莊泊
舟烏雷下以覘動息官軍捕獲知府張岳始立營撥
本衛旂軍五十名守之後掣回今安南事息營廢
陸眼營 在州永樂鄉陸眼村與廣西宣化縣武黎水
口相接密邇四崗狼賊不時越境行劫嘉靖十五年
知州林希元申議五營撥官軍五十一名并編宣化

靈山附近居民防守後以有事安南取回官軍惟民
守如故十八年復申前議撥上扶龍營軍二十名以
百戶一員領之重修其營仍爲記嘉靖二十六年宣
化縣太平等苗民與狼猺屢行肆劫知州黃希白申
議掣回軍士召狼兵三十以百戶領之 黃觀營
在州新立鄉狼兵九十名防守以陸眼營百戶兼統
之 那迫營 在州菩提鄉狼兵七十五名防守以
陸眼營百戶兼統之 八角營 在州西鄉召狼兵
一百二十名防守以百戶一員領之 那羅營 在
州西鄉召狼兵一百名防守以八角營百戶兼統之

卷百一

廣東五

三

團圍營

在州西鄉召狼兵四十五名防守以八角營

百戶兼統之

總捕營

在陸眼村新立等鎮東跨

靈山西南跨欽州北跨廣西宣化等縣

以上六營俱嘉靖二十六年知府黃希白因廣西宣
化等縣民猺作寇申議軍門建立每歲於南寧廉州
二府惟委衛指揮一員帶軍六十名上下輪流提調
陸眼等營六營官兵哨守

那蘇營

在欽州加昔都與交阯萬寧州接界如昔崗

長黃鳳陽居此知州林希元爲有事安南於此建營
名雷州衛軍二百名守之十七年安南事息掣回

鳳口營 去州治三十里鳳皇山下今廢 團光營

在州永樂鄉萬歷三十年新設哨官領之 那幕營

在靈山縣東南二百五十里博峩鄉僉事林錦建年

久傾圮嘉靖三十三年知府何御議復 格木營

在靈山縣西南百里下安業鄉欽靈往來之衝天順

中隘賊出沒僉事林錦建後賊平營亦廢今改公館

丹竹營 在靈山縣南百七十里上安業鄉爲烏家驛

之交險塞蒙翳寇盜竊伏嘉靖十五年知府張岳建

掣新寮堡里兵二十名防守二十三年營被水衝毀

三十四年知府何御改設高阜處 譚家營 在靈

卷一百一

廣東五

三

山縣東十五里上武安鄉天順元年僉事林錦建正

德四年僉事李瑾調永安所官軍防守嘉靖十二年

僉事王崇以地方無事掣回 團河營 去靈山縣

百九十里西鄉中寧鄉僉事林錦都指揮 磐同建

調官軍防守以安寧上中下三都之民故也正德後

地方無事營堡遂廢今遷西鄉巡檢司於此 山心

營 縣北二十里宋泰鄉徭賊出沒處與洪崖堡互

相守望 管根營縣西百二十里下甲鄉爲宣化縣

五六崙賊患而設 羊角營 縣西南百三十里上

安鄉近宣化五六崙而設

墩臺

川江墩 府東南八十里川江村前 隴村墩 府東
南七十里隴村砦前 珠場墩 府東南七十里珠
場港口 調阜墩 府東七十里黃稍村前 白龍
墩 府南七十里前內監採珠衙門居八砦之中珠
場司衙門東西八砦俱屬管束鹽場巡司衙門前時
亦在此今遷東砦川江村係管鹽丁 武力墩 府
南四十里武力村 龍潭墩 府南五十里即龍潭
港下封海崖邊 程徑墩 府南五十里許屋村前
望子墩 府南六十里高嶺之上即冠頭嶺大海

卷一百

廣東五

三

石子墩 府南六十里龐屋村前 深路墩 府南
六十里 安寧墩 府城十里里即西江水下乾體
哨兵舡住扎之所 草頭墩 府西南二十里獨江
村前先到草頭次到高德 高德墩 府城南三十
里高德港口 崩沙村 府南四十里小嶺村西
珊瑚墩 府西二十五里過上洋舖中火向西此墩
至西門外去過四江 白虎墩 府南五十里係欽
馬村前 箒桿墩 府西三十里烏寧村前 大樹
墩府西四十里箔砦村前 蟹港墩 府西五十里
係西場墟此墩低可遷西場後嶺望見鴉埔連塘等

處 那隆墩 府西五十里係西場之西那隆村前
 葛麻墩 府西六十里葛麻村前 新設墩 崇禎九
 年冬巡道張國經議建 烏家舖 西賊常自馬頭
 嶺下三十里至此 鴉埔村 距烏家舖十五里連
 塘村羅鳩埔五里 西場後嶺上 距連塘五里此
 爲西場設也 進牛嶺墩 界府城石康之中此爲
 石康設也 以上俱合浦

舊志云按廉州墩墩總二十一所曰安寧獨江卽草
 頭墩高德飲馬卽白虎墩龍潭武力珠場係舊前所
 設曰冠頭白沙隴村川江則知府張岳爲安南建也

內安寧獨江高德三墩北方有警只係村夫防守冠
 頭卽望子墩本衛撥軍十名兼村夫防守其餘各墩
 平時則寨軍守之有警則村夫協守蓋邊海禦寇之
 地故尤致重焉

茶山墩 州東南十里茶山嶺嘉靖十三年有事安南
 青鳩墩 州西南三十里木蘭村旁 金竹墩 州西
 北三十里水通交趾 大鹿墩 在大海中東欽州
 西交趾 小鹿墩 在大鹿下 龕羅墩 在防城
 西與永安界以上俱廢 施家墩 州南三十里
 尖山墩 州南十里 何家墩 州東南二十里麻藍

墩州東南五十里 烏雷墩 州東南百里以上五墩遞年撥軍二名防守 以上俱欽州

關隘

東關 在府治東北歲久傾圮嘉靖十五年知府張岳砌門樓一座曰風關 天板關 在州西六十里中以本州千戶一員軍十名防守 漁洪關 欽州東二里宣德中建以千戶所旂軍五名守之三關俱守備都指揮一員剏立宏治中州民胡真以索財爲民害呈革 新寮隘 在府治東五十里成化六年僉事林錦建今廢 稔均隘 在欽州那蘇東南相去

卷一百一

廣東五

三

七里隘外卽交趾小港通有小徑夷人寨今廢 那龍隘 在那蘇東相去十餘里隘外卽交趾小港通入東西居民二十餘家有小徑奸民通夷者率由於此今廢

備倭

明洪武二十七年七月始命安陸侯吳傑永定侯張金寶等率致仕武官往廣東訓練沿海衛所官軍以備倭寇 是時方有備倭之名 天下鎮守凡二十一處廣東曰備倭巡視海道副使一員都指揮一員衛指揮一員專管巡海聽廣東巡視海道副使備倭都指揮節制

所轄永安欽州二所每所各官一員督營軍舡三艘旂軍三百名各分上下班出海巡哨以防倭寇
 圍州遊擊 圍州在珠母海中當冠頭嶺之南約二百里每天降陰雨輒望見之晴霽則否周回七十里昔為寇穴萬歷六年移雷州民耕住其地萬歷十八年設遊擊一員鎮之二十八年移於永安所距圍州一日之程距廉州百八十里之遠呼吸難通巡道張因經議移駐於冠頭嶺俯瞰六池為廉門戶猶得臂指之用而未果行

珠池

前一百卷內所叙較詳

卷百

廣東五

完

烏泥池

至海猪沙一里

海猪沙

至平江池五里

平江池

至獨攬沙洲八里

獨攬沙洲

至楊梅池五十里

楊梅池

至青嬰池十五里

青嬰池

至斷望池

望池五十里

斷望池

至烏泥池總計一百八十三里

按珠池之事漢唐無攷自劉鋹置媚川郡宋開寶以還遂相沿襲置場置司或採或罷迄無定制洪武二十九年詔採而已未有專官也正統初始令內官一員分鎮雷廉正德中又取回鎮雷者總屬於廉嘉靖時巡撫林公富盡奏除之專其任於兵備憲臣此廉郡之大幸也

海寨

此營堡類也當入經武志乃附於此者

為珠池設也

一百卷內作麥

烏兔砦 至凌祿九十里至烏池二守軍五名

凌祿砦 至英羅十里至烏泥池十五里

英羅砦 至蕭村五里至烏泥池十五里

蕭村砦 至井村五里至海猪沙十三里

井村砦 至對達五里至海猪沙十五里

對達砦 至豐城十里以上守軍同

烏兔 自英羅至對達俱近海有箔只宜遷近不可插遠

豐城砦 至黃泥十里至海猪沙十五里守軍五名

黃泥砦 在大廉港之北去海猪沙愈遠

今無 以上八砦俱永安所地

川江砦 至調埠十里至平江池十里

隴村砦 至調埠三里 調埠砦 至

珠場砦 至同川江以上守軍俱十一名

自川江至此俱近珠池不可插箔

卷一百

廣東五

三

白沙砦 至武力十里至楊梅池十里

武力砦 至龍潭十里守軍俱十一名

本砦沙尾有箔五所不可插箔

龍潭砦 至青嬰池十五里至青嬰池十五里

古里砦 近冠頭至青嬰池二十里 西場

砦 在大洗港東去葛麻江二里許以上守軍俱十一名

按沿海建寨蓋自金始由西而東而北凡十七處分軍巡哨以防盜取之患然法禁稍疏軍士即玩盜者有所賄則得者不以聞擇人而任可不慎歟

寰宇記俗有四民一曰客戶居城郭解漢音業商賈二曰東人雜處鄉村解閩語樂耕種三曰深居遠村不解漢語惟耕墾為活四曰蠻戶舟居穴處亦能漢音

以採海爲生

夫廉古珠宮扼塞海北遠鎮交南視嶺外諸郡最爲樞

筦鑿山爲城踐海爲池有天險焉颶風一作百里震動

南登海角西望天涯海角亭在郡南天涯亭在欽州真南裔也漢馬援

旣平徵賊之亂標於分茅嶺銅柱以爲華夷之限於今

賴之 水經注昔馬文淵積石爲塘達於象浦建銅標

爲南極之界俞益期箋曰馬文淵立兩銅柱於林邑

峯北

惟寧越四崗陷入交阯守土之臣邀功喜事直欲犁巢

搗穴郡縣賴之我 明謝絕其請憬彼荒夷歸我侵地

卷百

廣東五

三

於 嘉靖二十一年夏六月莫登庸來降收復四崗民

歸欽州版籍

民得免於湯火誰之賜歟媚珠海岩寶藏所興領以內

臣雖嘗釐革迄今未聞投珠於淵也昔人以爲所獲不

補所亡近事足爲明鑒 嘉靖二十二年詔採珠二十

四年復詔採珠廉州府知府胡鰲議得共用過官民

銀九千餘兩僅得珠四十兩碎小啣匾皆不堪用

若夫嚴永安之軍衛以防四達之衝謹沿海之防以備

倭夷之擾復白博於我土以均道里之勞皆安攘之不

可廢者也今兵備特扎於靈山建堡增立於衛北交寇

尚獠惟廉爲重可以其僻遠而易視之哉

知州林希元奏復屯田疏

爲復屯田以省轉輸以足軍餉事照得本州官民糧米原額二千七百二十八石六斗零除免徵停徵實在只有二千四百九十九石除解京師外發永豐倉以給本州官吏部生及所官軍俸餉只得一千八十石僅供半年之食尙欠糧一千八百石例撥外州縣以足之當其遠處逾年而至官軍欠糧每四五月以爲常按記稱無三年之積則國非其國今本州無半年之積豈可以爲州哉臣始入境陸行三日始抵州城見平原曠野高可

卷五

廣東五

三

種黍下可種稻皆爲荒地成田者十僅一二所種只水稻一種黍稷麻麥俱無具田半沒半荒稻禾十不七八詢之耕民皆不糞不耘撒種於地仰成於天然猶畝收三四石蓋其地極膏腴也數歲力薄則易其處又數歲而復之故熟田常少荒山常多要皆土廣人稀之故也臣差官各處踏勘拋荒田土所近城郭去處則自往勘量地得田一百頃節蒙上司明文踏勘荒田招人承種給與牛種但本州僻處一方生意微薄少有流民其土民無糧人戶交怕差役甘於佃耕人皆不肯承種官田以此無可耕種照得本州洪武年間設有屯田六千二

頃坐落城東廂新立鄉靈山縣下東鄉等處撥欽州千
百戶二員領軍出種宣德年間始罷田歸有司給民耕
種辦納糧差今查前項屯田民間開耕者固有廢爲荒
田者尙多現各處拋荒者田土無數又不必原田之拘
也惟佃種之人當議處爾臣按屯田之法古今不同大
要有三有因兵旅久驅欲省轉輸之勞而屯種者漢武
帝立屯田於燉煌趙充國立屯田湟中是也有國亂後
田荒而屯種者東晉之間流民屯田於江西後魏藉州
郡人戶什之一以爲屯田是也有因軍餉不足而屯種
者 本朝撥各所衛之軍出塋耕種是也 本朝屯田

卷百

廣東五

三

之法今已廢壞軍民逃亡過半耕種之人多非本軍皆
民承佃臣欲因今之法參古之用將勘過荒閑田地及
原廢未墾屯田招人耕種不拘軍餘客居及無糧人戶
但愿承佃者悉與之給田三十畝依欽州下則官田則
例畝科米一斗七升一合該米五石一斗仍撥田十畝
與爲宅舍不科其稅十人爲一甲甲有頭五甲爲一屯
屯有總一屯稻田一十五頃共田二十頃該米二百二
十五石一屯設老人一名專理其事給田四十畝用酌
其勞不徵其稅五屯之田計一百頃八十畝督責耕種
徵收稅銀屯老責之甲頭甲頭責之屯丁以本州判官

掌之而總督於知州無牛種者給與牛種今查得荒田一百頃八十畝可作五屯歲可得糧一千二百七十五石已招得軍餘朱鏞馮寧等六十人客居廖達章科記等六十人尚欠八十人方足四屯之田查得本州額設民快一百八十名除守庫守監守城追捕巡捕一百名可撥八十名於附近新立二鄉屯種以足四屯之數令春夏在田耕種秋成之後赴州操練及春復歸田耕種尚有一屯缺人耕種臣查得欽州千戶所歲撥軍一百名分上下班出海巡哨當在孟埭海口駐扎下班之軍月辦銀三錢以備該所公用臣欲於附近孟埭茶山木

卷一百

廣東五

三

隆等處撥田三十頃令二軍朋種一分田隨班上下更迭耕種軍一百名可種田五十分以足一屯督耕徵糧俱如民田之法主之備倭官本州亦得督責之一軍月減米五斗軍一百名月減米五十石歲減米六百屯糧減米二者通計一年可得糧一千八百七十五石如此賦不待取撥於外官軍之食可足矣以軍餘客居無糧人戶屯田卽東晉簡流民屯田於江西後魏藉州郡人戶十之一屯田之遺意也以民快屯田卽唐府兵無事則畊有事則戰之遺意也以哨軍屯田卽漢人屯田燉煌中且耕且戰之遺意也愚臣之法似若可行然此

法也軍餘客戶則利軍官糧戶則不利民快則利官軍則不利何也各處荒田數多軍餘客戶欲種而不得一與之田人皆樂受故利軍官弗得餘丁差使糧戶不得多占荒田更易耕種故不利民快若以雜差種田可以自逸而租易輸故利哨官習于安逸今使耕田而又減糧故不利知其利害不爲所搖則法行矣如蒙允臣所奏乞 勅該部行撫按衙門詳議舉行則轉輸可免軍餉可足一州之幸也

知州張應宿廣鹽課議

昔漢之七國吳以煮海獨富強召山大川總爲利藪欽

卷五

廣東五

三五

廉之境瀕海者半而欽州之海澨曾無一竈煮鹽且州境西與北接壤西粵其食鹽靡不仰給於廉其鹽舡靡不取資於欽查得郡之鹽商其子母之貲僅以十計卽百金者尠於長蘆淮揚擅貲巨萬者天淵也而視長蘆淮揚者利更饒更速不數月可子母全收不必遠募商而市鹽者可輻輳獨其額課歸公家者什一而落者什五費用之孔多侵漁之手衆充邊餉者幾何而入私橐者盈益蓋瘠下而上不肥大地自然之利國家竟不得盡賴其用也竊謂合浦之白皮等處瀕海欽亦瀕海邊海卽可產鹽欽亦何獨不可產鹽計民力農隙儘多暇

時計道里商運更爲便益若無論其是否土著是否竈丁令得鹽海增竈儘力烹煮山埜多薪不必如浙之計丁分焯煬也閩廣多商不必如淮揚長蘆盡大商巨賈也隨到隨收隨掣隨放不必淹滯停畱費時曠日也若然則斥鹵可盡爲桑田而額課足仰裨軍餉以欽之利供欽之費以欽之餉餉欽之兵不加賦而可加兵固是術也不特此今鹽商自郡而至欽例先輸課於府旋又輸於司以額外兵帶者多而懼盤問又私輸於長墩司經幾多使費費幾多需索守幾多時日故官課一而私課三總之課也總之充餉也何不并歸一處照條編一

卷五

廣東五

三

體設櫃可省加耗之半應解者解應支銷者支銷在州猶在府也誠使裝載於斯投納於斯稱掣於斯不逾日隨可放行便商者多矣若此則於舊額之外量增以益餉彼亦樂從也所裨於國家經費豈淺鮮哉言利不稱善政然不病民不病商第於公私上下間塞旁漏之孔而裒多益寡得毋彼此兩利乎舍鹽與屯而欲求加兵加餉是道旁之築舍終爲說鈴畫餅而已此必不得之數也

